

蜀輶詩記

俞陛雲著



辛酉秋



蜀輶詩記

樂靜居士陞雲



蜀 轶 诗 记

俞陛云著

上海书店出版

(上海福州路 401 号)

新华书店上海发行所发行

宝山东方红印刷厂印刷

开本 787×1092 毫米 1/32 印张 4

1986 年 12 月第一版 1986 年 12 月第一次印刷

印数 00001—2000

J 166 · 1 定价 0.90 元

此余三十五歲所作也往再十九年久成陳迹衡兒
髻紀即嗜觀是卷今冬刻成兒將游學美洲倚
裝為讐校數過他日學成歸里重話篝燈夜
校情景俛仰之間又為陳迹余腰腳尚健山川
佳處當挈吾兒同理膝遊絕壁題詩荒江激酒
不減當年逸興也

樂靜老人時辛酉仲冬



《蜀 轺 诗 记》序

曩岁客京华，谒德清俞先生平伯于西郊寓邸，倾谈兴酣，先生出尊人阶青（陞云）先生《蜀轺诗记》相示，丹黄行间，盖贤乔梓手校本也。唯虫残过甚，翻检至艰，携之南归，倩宁波天一阁藏书楼洪可尧兄修补重装，可尧能为书续命，宛然如初者。于是清灯清茗，静坐静读，神循文游，身入巴蜀矣。余维记游固难，缀诗益难。是集诗文并茂，情景交融，山水之灵遂显。阶青先生为曲园老人文孙，亲承家学，早登高第，视学蜀中，需时三月，行旅也缓，所观也细，以视今日机声车尘者，亲切深入多矣。虽苦跋涉，而所闻见极丰，如诗所述，令人向往不已。顾念半生湖海，浪迹山川，虽有所得，曾寓之笔墨，迨拜观华章，真羞煞人也。学养所限耶？而是集真不啻余之良师，开卷有益，受惠良多。当兹风景建设、旅游事业昌盛之际，而书又适重刊，则读者必众且广矣。个中滋味，览者当自得之。

一九八六年丙寅春节陈从周于上海同济大学建筑系

蜀輶詩記卷上



德清俞陞雲階青

光緒二十八年壬寅五月奉命典蜀試。六月二日辰刻出彰義門至天甯寺小憩。寺有塔建於隋。明季璫寺題名已剗去。由石道拱極城。經蘆溝橋。桑乾河出其下。有碑曰蘆溝曉月。客子曉行。殘月印波。露寒雞唱。爲燕京八景之一。橋建於金大定二十九年。石柱咸刻獅形。長二百餘步。地當孔道。列朝法駕所經行。仕宦商旅所趨。驚石而能言。當語我以興亡之感。五里長新店。茶尖二十五里。宿良鄉縣。明隆慶中。因舊土城。贅輒。乾隆間。定回部金川。郊勞築臺於此。城外有燎石岡。赤色。上建五層塔。凡行七十里。

廿載芸窗課草留

雲幼承祖訓有課孫草行世

衡文今忝駕星輶。江頭南雁通吳會。

重闌皆厲吳下

馳書報起程

旗角西風指益州。聖代文章崇實學。

時改制藝爲策論

寒家科第本貽謀。貞元

世運方開拓，珍重奇才鐵網收。

初三日卯初，由小喜莊宏恩寺至寶店尖，以燕山寶禹鈞得名。道經田隴，積水未消，市中多抱布者。地有樂毅故里。辰正至琉璃河，茶尖橋外有三兩舟檣，亦稱劉李河。水經註之聖水也。午後經牝牛河，波流有聲，兒童狎水，浮泊如鳧雁。過石橋後，官柳兩行，女牆一抹，遙見涿州雙塔，出炊烟樹色間。憶庚子拳匪之亂，備嘗艱阻，單車出走，於七月五日經石橋下，車陷石隙，不得出，短衣敝屣，躑躅荒原。良涿爲拳匪窟宅，白刃紅巾，拍張盈路。余所乘者，大刀王五標車，王以俠勇有聲燕趙間，幸脫於險。甫閱二年，乘輶重過，不勝別來滄海之嗟。凡行七十里。

萬事當未形，深黑闕昏暮，塵埃競馳逐，盲進了無怖。周綱昔淩遲，白日障妖霧。竄身豺虎窟，獨客涕如雨。俛仰二載間，榮悴頓異故。人生幾剝復，預揣亦何補。康莊與磽确，惴惴審前路。趨避術旣窮，一一履而赴。此意何人知，臨波問漚鷺。

初四日發涿州，經忠義店，爲張桓侯故里。十里熨斗店，小憩。五里澤畔村，晴漪一頃，茵蔯方花，已正食於高碑店。午後行烈日中，如焦如燒，沙土曠浩，蘊熱旣深，反激熱力上騰，與炎風并合，目翳顛昏。輿夫中暑，顛踣相繼，勉進至虎賁驛，借民居稍息。居人張姓留客殷拳，爲輿夫治疾，日晡復行。大風揚沙，遠樹顛舞若醉。由祖述村入定興縣，有坊題「八代勳名爲邑中」，李氏立茶罷出城，得疏雨解暑。雨挾沙塵斑斑作黃點。傍易水左側，涉河陽渡，宿北河店，有楊椒山讀書處。行八十里，迴野四無障，炎風酷如燒，驕陽灼沙礫，插足膚欲焦。徒御屢顛仆，四顧窮呼號。有如涉颶海，檣傾兼櫂撓。天邊岸一線，心切途彌遙。行行見村樹，土屋依亭皋。居人解延客，掃榻相招邀。茅檐駐冠蓋，驚呼環兒曹。井泉飲盈掬，芳冽逾瓊醪。林陰憩僕馬，雜坐聲謹呶。殘暉欲西匿，漸有涼風招。晚程溯易水，疏雨來東郊。解鞍沽村酒，一慰征人勞。

初五日晨，經三里鋪六里鋪，至尙汲村，蓮花數十本，淩波媚影，有孤秀自馨之致。地近賈島故里，午膳於固城，即范陽故城。鑒於昨之酷暑，日晡始行。地有黃金臺舊蹟，十里田村，見碑題田光故里。五里麒麟冢，日已西睨。五里白塔鋪，村盡見塔，有姜女浣衣處。十里宿安肅縣，京西郡邑修整，前歲由雄縣而南，斷井積垣，炊烟寥落，遜此多矣。凡行六十里。

尙汲村

紅樹村西汲井華。

有小村題曰紅樹，不著圖經。

一川晴翠印朝霞，留人略有江南思。臨水柴

門白藕花。

姜女廟

秋筇絕塞送吳郎。

出關亦有姜女廟。

古木叢祠感孟姜，日暮楊枝風不定。哀蟬吟遍浣

衣塘。

初六日，道出隴畔，平疇龜坼，旱象已成。十里劉伶墓，十里荆塘鋪，荆卿故里也。五里食於慈航寺，苔徑幽芳，筠簾靜碧，一洗緇塵之色。寺側有方恪敏公祠，恪敏微時，雪夜僵臥道左，寺僧奇其貌，拯恤備至。及公總制畿疆，建慈航寺以彰之。十五里徐河橋，即順水。十五里宿保定省城。袁制軍世凱、楊廉訪士驤，以候吏迎。時津沽西師未退，故袁制軍移駐於此，行五十五里。

荆卿劉伶遺蹟

秋色蒼然來，蕭條動易水。荆卿固健者，浩氣讐秦始。放達如伯倫，解醉洵高士。孤行天壤間，早已了生死。悠悠身後名，甯計後人齒。憑弔發長嗟，無乃昔賢鄙。

慈航寺

千金酬一飯，亦足快生平。勲業滄波逝，香燈佛殿明。斷鴻風外影，孤磬定中聲。熱客嗟常侍，何如梵境清。

初七日出保定城，林梢屋角，倒影晴波，案輿圖當是五雲泉。十五里小激店，十里大激店，出都以來，西山一桁恒在掖右，過易水後，層青疊翠，或錯峙若亭閣，或秀發若冠珥，峇嶢百態，兌域之奧區也。二十里食陘陽驛，村農祈雨，方鉦鼓迎神，以柳條圍首，髻髻被額，狀至詭觀。十五里方順橋，見斬文襄公神道碑。二十里良村，漢昭烈故里。十里宿望都縣，昔名慶都，乾隆間改今名。行九十里。

小驛陘陽策騎過，迎神簫管雜村歌。應知鴻雁哀鳴急，自是魚龍戰伐多。入暮遙天微有電，繞城枯澗寂無波。

望都縣環城皆河，今盡涸竭。

杜陵廣廈終虛願，手折衰楊奈

爾何

村人祈雨，以柳條插門。

初八日，行二十里至荆墳鋪。十里清風店，有清風泉碑，隸書頗道勁。十里樂莊鋪，二十里食於定州黃家老店。州爲管仲所築，昔稱管仲城。市中售眼藥店甚多，有大樹數抱穿屋瓦而出，黛色霜皮，古姿挺溢。午後，十五里孟良橋，十里明月店，嘉

山在其西，三十五里宿新樂縣悅來店，承塵上終夜有聲。東屋亦然。詢諸居人，夙有狐祟，過客無店可宿，偶一啓之，行一百十里。

小店經明月，駸駸我馬勞。山痕籠日淡，沙氣入雲高。老屋狐鳴火，長塗馬戀槽。晚程頻極目，烟外酒旂挑。

初九日，渡沙河。河廣而淺，有渡船泊岸，柳陰夾道，車轍縱橫。古稱五派琴河，不復辨識。十五里小寨鋪，傳是孔子遺筆鄉。十里馬頭鋪，十里吳村堡，入藁城界。十里食於伏城驛，爲先賢閔子故里。風捲塵沙，天容沈晦。行沙地中四十五里，遙見雙塔峩峩，麗譙隱隱，旋入正定府城。道旁有常山古郡碑。入暮，雨甚。唐李寶臣紀功碑及大佛像，未得往觀。聞滹沱河驟漲，河身漫闊百二十丈，星郵期迫，欲渡無梁，殊悶損也。行八十五里。

江湖單舸飽風霜，又涉名川到朔方。一水黃連瀛海氣，連山青跨晉燕疆。亞駝

秦穆雄文在

詛楚文曰不顯亞駝之神即溱沔也

策馬淮陰戰蹟荒。武事向稱河北健。降才吾欲

敏天闡

初十日驛館枯坐雨續續如繩不已。午後放霽泥淖沒足徒御茶憊行十里乘舟渡溱河黃流慄勁幸風雨已息十里柳林鋪五里蕭家營五里趙陵鋪趙陀之先塋也。亂鴉爭樹已近昏黃呼鄉農導路而行十里安舍鋪空山無人月華滿地時聞遙村吠蛤聲山脈漸近昏靄中覺坡路升降不平夜午抵獲鹿縣城韓信下趙因白鹿得泉遂以名縣行六十里

淺草平岡次第登井陘晴翠見嶒嶸斷雲片片收恒嶽

恒山在府城北

殘日陰陰下趙

陵千尺虹霓寒有影

溱河方建鐵橋是日此荷二國工程師同舟濟河

百年陵谷事無憑

河流遷徙斷定道光初猶

近在城下

何當躡屐蓮峰頂

獲鹿縣在蓮花山下

俯看溱沔雪浪騰

十一日出縣西門輿前加絳助登山之力如挽舟然西屏三峰迎面而起鹿泉塋

澈繞其麓，緣山凡數折。入井陘口，土偪若術，作蒼赭色。十五里仰字嶺，五里下安村，聞砧聲出泉畔。四圍嵐翠中，餘音迴合，清越彌長。五里上安村，五里白雲莊，登東天門，憑高縱目。太行羣峰延亙數百里，與天表白雲參差競出。十里食於微水驛，兩涉微水，卽綿水源。出娘子關，急浪喧豗，輿馬亂流而濟。隔岸人家臨崖結屋，綯映於斜陽碧樹間。十里橫口村，十里郝西河，五里三家村，皆傍河而行。五里井陘縣，見漢田先生故里碑。淮陰談兵處碑，入山始見窰洞，穴山土而居，輒窰爲佳。土窰次之，行客擔簦，農夫叱犢，歷歷在屋頂經行。窰洞多處，密若蜂房，窗戶上圓下方，類歐西屋式。晚膳後行，吟澤畔，水聲浩浩，若風雨雜遝而來。舊有長橋已朽斷，時聞喚渡聲，出昏烟淡月中，行七十里。

東天門

天門絕頂亂雲鋪，代北秋高雁影孤。一線幽燕環大陸，千年虞夏闢雄都。鬚眉

趙將祠猶在，山巔有白面將軍碑，韓信入井，趙守將戰死於此，佚其名。旗鼓韓侯迹已蕪，努力三關諸騎士，好憑忠信鞏皇圖。

微水驛

岸轉灘逾急，寒裳欲渡遲。雙流交衛水，一氣走潯池。蘭葉行人佩，蘋香妒女祠。江湖心浩蕩，應許白鷗知。

井陘

陶穴人家薄暮扃，固關雲氣遠逾青。單衫小扇清無暑，一路泉聲到井陘。十二日，溯縣水西上，陘路迤長，天陰欲雨。前峰有紅牆隱約，輿人稱東陽嶺。五里朱村，五里經長虹橋，五里長生鎮，五里龍窩寺，紺宇琳宮，依山四合，上有慈悲閣。王漁洋過此，見小松生石壁上，今松已盈丈，倒插生姿。寺外絨花一樹，萬綠中紅艷照人。五里核桃園，山皆巨石，類獐獸擎攫。午食於槐樹鋪，疫氣方熾，居民十室

九空肴無所得，水不敢飲。四山雨意益濃，小坐即發。五里見山西交界坊，凡行直隸境七百八十里，由石道登北天門，即故關。更上五里爲固關，城倚山缺，北接娘子關，勢益峻厲。萬里長城南盡於此，戍樓三五各據峰頂而築，宜淮南稱天下險也。二十五里柏木井，十里西天門，危巖另坂，石色黃赤相間。五里宿柏井驛，假清徭局息裝。窗几嚴淨無塵，塔下戎葵盛放，白色者尤娟靜。牆外一峰銳起，上有魁星樓，行七十五里。

龍窩寺

秀絕龍窩寺，嵐光匝四遭。斜坡緣石轉，陡壁挿松牢。風盪鐘聲緩，雲扶閣勢高。山僧清淨福，應笑役夫勞。

北天門

雉堞憑凌百仞山，戍旗高卓翠微閒。驚波浴馬來縣澤，狹路盤蛇上故關。鎖鑰

向推李晉陵

晉陽鎮鑰

酒漿應恤小民艱

晉省籌餉方亟

依然細雨槐花路辛苦詞臣

舊往還

王漁洋使蜀詩云西風忽送瀟瀟雨滿路槐花出故關

十三由出驢師鏡山以山嶺環合天圓如鏡得名三里青玉峽即翠蛟潭從深壑

亂石中竟復而出山樊距地數丈屢見小石室刻避險藏身四字防山水驟發爲

行人登避之所七里橋頭村市鎮隘口多建高閣題江山毓秀東達燕京等字客

寓題起火小店十里石門鎮溪廣而清北山多穴居南山樹色森濃屢涉南川中

細看青絙雜出映水益明拾數枚玩之三十里食於平定州經朝暉閣崔府君廟

前爭後出西門道旁古樹居人香火祀之五里登南天門亂山撲地若風蹴浪紋

起伏低昂直至天盡處下山涉平潭河夙稱七十二渡是日凡十四渡沙石浩莽

羣巘偉遠勢環之雨後斜陽相映背陰則黛容迎陽則金色秀潤特絕五里平潭

鎮有趙簡子遺蹟十里賽魚村十里新興鎮素月流輝嫩涼生袂十里宿測石驛